



趙子昂詩集

五冊



趙子昂先生引

吳興趙松雪詩古體則凌鮑

衡近體則逼高岑多餘矣後

世也宜哉尤妙者法得右軍之

神玉今凡版碣所在雖沒荆

榛隔城市無不及暮剝落者
匪作畫鞋一木一石雙南無石易
也好異者嘗傳彷彿臥馬堂
之即成形想精所凝肩亦為
化良李將軍射石沒羽志之
技且如此况詩又之新肆力者
乎友人管氏能作朱粉竹有
此閨房之秀相為映帶松雪
那得不在士也

潘是仁後



松雪齋詩集

第一卷

五言古詩

古風十首

有所思

歲莫和剛父

四首

贈道隆上人

東郊

春後多陰偶成

三首

曉起川上贈友

春思

寄題右之此靜軒

題董元溪岸圖

贈別夾谷公

題舜舉小隱圖

趙村道中

奉詔戴帥初

桐廬道中

寄鮮于伯幾

送程子克運副之州

贈茅山梁道士

罪出

次韻齊彥學士

聽姜伯惠父彈琴

送石仲璋

題桃源圖

題歸去來圖

題耕織圖二十四

懿旨撰

耕正月

二月

三月

四月

五月

六月

七月

八月

九月

十月

十一月

十二月

織正月

二月

三月

四月

五月

六月

七月

八月

九月

十月

十一月

十二月

清勝池上偶成

次韻周公謹見贈

哀鮮于伯幾

酬潘提舉

新秋

慶壽僧舍卽事

送李仲淵同知眉山

幽獨二首

允懷齋

雲林山中

周南翁悠然閣

夏至

病中春寒

興中府某氏

題黃華爲其父寫真

題先賢張公十

詠圖

寄題杜尊師

第二卷

七言古詩

兵部聽事前枯柏

題西溪圖贈鮮于

伯幾

題二喬圖

戲題出洗馬人

送孟仲則遊荆湖

烈婦行

送高仁卿還湖州

謝鮮于伯幾

漁父詞二首

送朱仲陽太平教授

題李公畧所藏

題也先帖木兒

孤燕曲
題商德符學士

孔道輔擊蛇笏
趙克敬耘菴

燕脂驄圖歌
贈捏古伯

送高郎仲德
次韻葉公左丞紀夢

楊天瑞府判
賦張秋泉真人

題舜舉摹伯詩
免

贈相師王蒙泉

第三卷

五言律
賀燕公十
寄謝林尊嗣

春寒
雪後同子俊何
山次韻首

早春
重遊弁山

魚樂樓
秋夜

次韻陳無逸
獨夜

次韻子山登樓
聞角

次韻馮伯田秋興
本齋先生挽詩

贈權季玉兼簡
奉和帥初兄

送楊幼澄教授
送李青甫由御史

送劉伯常淮東
晉公子奔狄圖

題米元暉山水

送張仲實還杭州

食粥

酬衛處士見贈

大司農侯公挽詩

和周景見寄 二首

奉隆福召命 赴都

謝日林贈湖石次 其韻

筇竹杖贈天聖 長老

胡穆仲先生挽詩

贈永清曹顯祖

贈鄭之僑

來鶴亭

大都遇平江龍興寺

李太白酒樓

送濯伯玉雲南省

題趙敬父侍御

獲周豐鼎

贈劉節軒侍御

雨

寄題陸振之與 開堂

次韻觀復表兄見簡

故兩浙運使李公

第四卷

七言律詩

和姚子敬秋懷 五首

聞擣衣

登飛英塔

題岳王墓

溪上

次韻剛父無逸

次韻子俊

次韻本齋先生卽事

次韻信仲晚興

次韻王時觀

錢塘懷古

紀舊遊

次韻章得一

見章得一詩二首

奉和帥初雨中

見贈

次韻帥初

多景樓

東陽八詠樓

金陵雨花臺

蛾眉亭

海上卽事

贈周景遠田師孟

送李元讓赴行臺

送劉天錫鎮守鄂州

送繆秀才教授

送閻子靜廉訪浙西

次韻左轄相公

次韻左轄相公奉寄

送孟君復信州

李仲淵求其弟叔行

至元庚辰繇集賢

初到濟南

次韻端父和鮮

送劉安道指揮副使

趵突泉

繼鄭鵬南書懷

驚秋

德清閑居

題山堂

和鄧善之九月雪

海子上卽事

重用韻

次韻西雲長老

送杜伯玉四川行省

人日立春

送岳德敬提舉

送蕭萬戶鎮閬州

留別潘王

三日後再雪德昌

遊烏鎮次韻千瀨長老

贈放煙火者

挽洞霄章耕隱

題溫雪峯詩蹟

次韻龐夷簡禮部

盧彥威用韻見贈

論書

寄題保定杜處士

贈張德玉

歲晚偶成

勝槩樓

次韻杜浩卿

贈脫帖木兒總管

壽平李韓公

鶴歸亭

老態

第五卷

五言排律

送張夢符郎中還朝

送董參政赴召

投贈刑部尚書

送夾谷公分省陝西

秋日卽事

題楊司農宅

第六卷

五言絕句

題秋山行旅圖

題萱草蛺蝶圖

題米元暉山水

黃葵詞

題太白酒船圖

題彥敬越山圖

寄題真定明遠亭

獨夜

天冠山題詠二十

八首龍口巖

洗藥池

煉丹井

長廊岩

金沙領

昇仙臺

逍遙岩

靈湫

寒月泉

玉簾泉

長生池

道人岩

雷公岩

石人峯

學堂岩

老人峯

月岩

鳳山

僊足岩

鬼谷岩

風洞

釣臺

磔潭

一線天

馨香領

三山石

五百石

小隱岩

玄洲十詠寄張貞居

菌山天

羅姑洞

霞架海

桐花源

鶴臺

玄洲精舍

紫軒

火浣壇

玉像龕

隱居松

題仲賓竹

題周秀才此山堂

曉起聞鶯

六言絕句

題孤山放鶴圖

題王子慶所藏 大年墨鴈

第七卷

七言絕句

初至都下即事

送王月友歸杭州

清勝軒絕句

鄞南山中

采桑曲

次韻剛父即事絕句

戲題僧惟堯墨梅

題范蠡五湖杜陵 荒花

題蒼林疊岫圖

送王子慶

九月八日雨中

杭州雨中

題秋胡戲妻圖

懷得清別業

過嚴子陵釣臺

部中暮歸寄周公謹

絕句

喜晴

簡王搏霄乞夫

容杏

和韓君美二絕句

金山

蘇州

題所畫梅竹

題所畫梅竹幽蘭

和黃景杜雪中

事

題孫登長嘯圖

題羣仙壁

題茗溪絕句

偶成

松雪齋詩集

元趙孟頫

子昂甫著

明潘是仁

訥叔甫輯校

五言古詩

古風十首

詩亡春秋作仲尼益苦心空言恐難託指事著以
深大義炳如日萬古仰照臨鳳鳥久不至楚狂乃
知音愁來不得語起坐彈吾琴

周衰有戰國紛紛極荆秦黃金聘辯士駟馬迎從

入朝爲刻骨讐莫作軟血親終然智力屈奉身俱
入秦

相如賦大人出語頗竒惟飄然凌雲意過耳誠一
快誇言入無際自覺塵俗隘安知翻成勸何用名
爲戒

自有天地來蓬萊幾清淺人生空皓首舉世誰得
見瑤臺在何許渺渺烟波遠方舟不可渡使我空
展轉

絕代有佳人被服綺與紵螿眉秀聯娟吐詞馥若

剛清歌啓皓齒瑤琴發哀彈一彈再三歎聽者涕
洟瀾借問誰家子爲言本邯鄲

秋風吹庭樹故葉紛以墜明月耿夜長草虫促經
緯四序苦不淹少壯何足貴展轉復展轉寤寐不
能寐昔爲閨中秀今作市門鄙豈無膏與沐甘心
得憔悴

山深多悲風日莫愁我心玄雲降寒雨松柏自哀
吟人生百年後奄然闕重陰念此每不樂天路何
由尋仙人偃佺輩逍遙在青岑奈何不尔思委命

重黃金人對金童
海中有奇樹粲粲珊瑚枝由來植物性無脛可推
移如何吞氏子樹之白玉墀洛陽經幾戰金谷久
荒夷空令千載下聞者爲傷悲

烈風號枯條落葉滿周道原野何蕭索川流亦浩
浩離居日以遠懷思令人老功名會有時生世苦
不早願瞻靡所騁憂心怒如擣
浮雲何方來不知竟安之飄飄隨風去汗漫以爲
期自昔功名士徃徃事驅馳白駒空谷中誰能加

繫維皎皎難見容翻受世妍媸虛名誠無益不見
斗與箕

有所思

思與君別來幾見芙蓉花盈盈隔秋水若在天一
涯欲涉不得去茫茫足烟霧汀洲多芳草何心采
蘅杜青鳥翔雲間錦書何時還君心雖匪石祇恐
凋朱顏朱顏不可仗那能不惆悵何如雙翡翠飛
去蘭苕上

歲暮和剛父雜詩四首

窮陰結嚴寒玄景闕微陽蘭蕭同憔悴隱惻我中
腸美人彈玉琴繼之歌清商絃急聲未已知子意
獨長陽春時未至此曲徒悲傷
美玉處荆山林木生光輝采之獻凡目棄置亦其
宜如何和氏子涕泣有餘悲古來賢達人不爲毀
譽移被褐懷至寶寧懼不我知待賈未能信韞藏
誠可師

驚飈吹白日流光忽蹉跎登山采衆芳荆綦一何
多迷途幸未遠迴車且委蛇黃鵠志四海雀鷄將
如何
肥馬黃金鞍輕裘華且鮮竭來從橫馳意氣何翩
翩朝爲人所慕夕已爲世憐此道固應爾禍福非
虛言生當稱善人死當謚爲賢勿羨夸毗子狂馳
終百年

贈道隆上人

辟俗無所之步尋招提遊頽垣蔽蓬艾破屋壞不
修老僧俗念淨靜坐百不憂浮雲有逸態止水無
急流乃知我輩人苦受世累囚竭來得此地稍覺

心休休窻前幾藜菊青蕊亦已稠愛之不忍采留
作山房秋何當移四松伴汝成清幽南岡與北領
路近頗易求他年風雨夜來聽龍吟愁

東郊

晨興理孤榜薄言東郊遊清風吹我衣入袂寒颼
颼幽花媚時節弱蔣依寒流山開碧雲歛日出白
烟收曠望得所懷欣然消我憂中流望城郭葱葱
佳氣稠人生亦已繇惠養要須周約身不願餘尚
恐乏所求且當置勿念乘化終歸休

春後多陰偶成三首用復無逸來貺

日出晨景澹散髮步中庭仰見濯濯柳春風暢人
情茲晨豈不佳誰能定陰晴人生亦良脆疲勞竟
何營萬事可撥遣舍道焉求成

卧起向北窻一室可棲遲取詩三百篇一一絃歌
之古道豈爲遠先師不吾欺嘉我有良朋所志共
在茲適意聊娛樂過此非所知

仲春忽已過四序隨流波水深不可厲苦雨一何
多田園頗在念春事今如何沉憂亦無益言笑復

言歌

曉起川上贈友

明發不能寐獨步柳陰中秋色方浩蕩晨光乍瞳
矐爍爍川上日蕭蕭樹間風葛巾吹欲墮纖絺已
無功感彼歲月駛悟此人世空悠悠竟何補山林
情所鍾終期抗高志駕言從赤松

春思

春柳黃如鵝春風揚綠波美人在何許忽若阻山
阿攀條弄白日常恐歲蹉跎懷思鬱不舒佳期將

奈何良辰難驟得臨風空浩歌

寄題右之此靜軒

卜居無喧寂尚論心所宗山林苟不靜亦與朝市
同聞君南窻下寄傲樂無窮曲肱有餘趣戰勝紛
華中好風從何來吹子庭前松清琴時一彈濁酒
尊不空頗恨道里賒不得往相從人事矧好乖我
心何時降

題董允溪岸圖

石荇何蒼蒼油雲出其下山高紱白日陰晦復多

雨窈窕溪谷中遭回入洲淑冥冥發狄居漠漠鳧
鴈聚幽居彼誰子孰與玩芳草因之一長謠商聲
振林莽

贈別夾谷公

驅馬原隰間經時不遑休昔來日在斗今去麥已
秋王事有禪益宴安非所求翩翩晨風翼一舉逝
莫留誰令匏瓜繫自懷離別憂

青青蕙蘭花含英在中林春風不披拂胡能見幽
心相去千里餘會合大江南北促席談自古知我一

何深此別雖非遠懷思渺難任公其愛體素尚無
金玉音

題舜舉小隱圖

有水清且泚洄泐亂石間樂哉三子者在澗歌考
槃流波牽弱縷輕飈動文竿信無吞舟魚我志匪
魴鰈勿言隱尚小神情有餘閑高士不可見古風
何時還

趙村道中

朝出南郭門遙指西山陰馬蹄與石鬪宛轉愁我

心溪谷莽回互寒風振窮林黃葉洒我衣岩泉走
哀音淒淒霜露降窮思浩難任人生亦何爲百年
成古今華堂昔燕處零落歸江岑况復不得悲
來淚沾襟

昔年干戈動兵塵暗三吳長江已無險智勇亦難
圖築壘依平山謀國一何愚楨榦群林空遺北莽
丘墟至今蓬蒿下猶有白骨枯天陰萬鬼哭慘慘
荒山隅興亡自有數不敢問何如獨憐野菊花立
馬爲躊躇

奉訓戴帥初架閣見贈

仙人海上來遺我珊瑚鈎晶光在九日奇采耀九
州自吾得此寶晝玩夜不休生世勿恨晚及與斯
人儔惜哉無瓊玖可以結綢繆世德日下衰古風
向誰求蛾眉亦何有空受衆女仇適俗固所願違
已良足憂感子贈言意再拜涕泗流安得騎騏驎
從子以遠遊

吾愛戴安道隱居絕埃塵彈琴聊自娛書畫又絕
倫豈無召我者已矣非所欣昔我道剡中山川自

清新是時夜雪霽懷哉見其人常欲以暇日慷慨
爲寫真之子有祖風千里響然臻我從蘇李後敢
言筆墨神坐之盤石上俗物不得親微君動高興
此意當誰陳

桐廬道中

歷歷山水郡行行襟袍清兩崖東滄江扁舟此宵
征卧聞灘聲壯起見渚烟橫西風林木淨落日沙
水明高旻衆星出東嶺素月生舟子棹歌發含詞
感人情人情苦不遠東山有遺聲豈不懷燕居簡

書趣期程優游恐不免驅馳竟何成我生悠悠者
何日遂歸耕

寄鮮于伯幾

廊廟不乏才江湖多隱淪之子稱吏隱才高非衆
鄰脫身軒冕場築屋西湖濱開軒弄玉琴臨池書
練裙雷文粲周鼎鹿鳴娛嘉賓圖書左右列花竹
自清新賦詩凌鮑謝徃徃絕埃塵我生少寡諧一
見夙昔親誤落塵网中四度京華春澤雉歡畜樊
白鷗誰能馴

送程子玄運副之杭州

鹽爲生民食日用猶水火雖非饑所急一日無不
可但令商賈便那復愁國課數年人壞法貪欲肆
偏頗利多歸私室民始受鹽禍尔來又計口強致
及包裹摧酷窮滴瀝征商劇遮邏東南民力竭此
事非細瑣

朝家更政化選擇堪負荷君爲尚書郎精白色瑳
嗟明當戒行李往理吳越施祝君無別語編戶要
安妥湖山多勝處亦可供宴坐談笑尊俎間佳聲

浦江左

贈茅山梁道士

名山標句曲秀領蔚層雲層雲散浩彩中有三茅
君度世三千秋流芳浩無垠丹光耀朱陽琴心傳
玉文司命播萬物發蒙導人羣學道得曠士采真
遺塵氛贈我書一編清謠吐竒芬筆耕亦已勤寸
田要鋤耘靈臺聳絳闕黃雲覆氤氲內觀神自照
衆言一何紛平生山林意獨往乃所欣攀援桂樹
枝采擷芝蘭薰靜與木石居遊則侶麋麇松栢無

松雪齋王古卷一
冬夏烟霞自夕昕軒冕或桎梏綺語徒羶葷大道
返尔朴至哉吾師云冥冥紫霞想湛言久不聞聆
我歌洞章判然仙凡分

罪出

在山爲遠志出山爲小草古語已云然見事苦不
早平生獨往願丘壑寄懷抱圖書時自娛野性期
自保誰令墮塵网宛轉受纏繞昔爲水上鷗今如
籠中鳥哀鳴誰復顧毛羽日摧槁向非親友贈蔬
食常不飽病妻抱弱子遠去萬里道骨肉生別離

丘壑缺拜掃愁深無一語日斷南雲杳慟哭悲風
來如何訴穹昊

次韻齊彥學士中秋雨後翫月

卧痾媿微官俯仰百憂集安知中秋至但見明月
出蕭蕭雨新已涼氣澄霽夕青旻羅踈星燦若珠
與壁小虫鳴草根萬物皆自適而我獨何爲矯首
望南北愁來無端倪撥去終不釋人生莫不樂杯
酒會鄰戚高歌雜清唱起舞曼鳴瑟閉戶且復眠
空尊何由酌

聽姜伯惠父彈琴擊阮

姜子早闢道澹然遺世榮
蕪花有生意焚香無俗情
時抱琴與阮彈作松風聲
疇昔江湖間久矣知子名
安知十年後一笑成合并
是邦山水秀照人肌骨清
願子石泉上爲鼓一再行
因之洗我耳遂欲濯塵纓

送石仲璋

霜風何淒厲蘭蕭同枯萎
念此鼻爲酸惻愴中心悲
由來無醜好衆女嫉蛾眉
數罟困巨魚鹽車厄

天騏况復值怨仇貝錦成禍機
俯首無所訴菹醢聽所爲
向非知己者雖歿誰明之
君子有行役後會在何時
欲別不敢往瞻望涕漣洏
援筆撫我心爲公吐此詞

題桃源圖

戰國方忿爭嬴秦復狂怒
冤哉魚肉民歿者不知數
斯人逃空谷是殆天所恕
山深無來逕林密絕歸路
艱難苟生活種蒔偶成趣
西鄰與東舍鷄犬自來去
熙熙如上古無復當世慮
安知捕魚郎延

緣至其處遙遙千載後緬想增慨慕卽今生齒餘
險絕悉開露山中無木客川上靡漁父雖懷隱者
心桃源在何許况茲太平世堯舜方在御干戈久
已戢老幼樂含哺田疇畢耕耨努力勤執樹毋爲
問迷津窮探事高舉

題歸去來圖

生世各有時出處非偶然淵明賦歸來佳處未易
言後人多慕之效顰惑媿妍終然不能去俛仰塵
埃間斯人真有道名與日月懸青松卓然操黃華

霜中鮮弃官亦易耳忍窮北窻眠撫卷常三歎世
久無此賢

題耕織圖二十四首奉

懿旨撰

耕 正月

田家重元日置酒會鄰里小大易新衣相戒未明
起老翁年已邁含笑弄孫子老嫗惠且慈白髮被
兩耳杯棹且羅列飲食致甘旨相呼團樂坐聊慰
衰莫齒田饒藉人力糞壤要鋤理新歲不敢閑農

事自茲始

二月

東風吹原野地凍亦已銷早覺農事動荷鋤過相
招遲遲朝日上炊烟出林梢土膏脉既起良耜利
若刀高低徧翻墾宿草不待燒幼婦頗能家井臼
常自操散灰緣舊俗門逕環周遭所冀歲有成殷
勤在今朝

三月

良農知土性肥瘠有同時至萬物生芽蘖由地
中秉耒向畎畝忽徧西與東舉家徃于田勞瘁在
尔農春雨及時降被野何濛濛乘茲各布種庶望
西成功培根利秋實仰天望年豐但使陰陽和自
然倉廩充

四月

孟夏土加潤苗生無近遠漫漫冒淺陂芄芄被長
阪嘉穀雖已值惡草亦滋蔓君子與小人並處必
爲患朝朝荷鋤往媻耨忘疲倦早隨鳥雀起歸與
牛羊晚有婦念將饑過午可無飯一飽不易得念

此獨長歎

五月

仲夏苦雨乾二麥先後熟南風吹隴畝惠氣散清
淑是爲農夫慶所望實其腹沽酒醉比鄰語笑聲
滿屋紛然收穫罷高廩起相屬有周成王業后稷
播百穀皇天貽耒耜長世自茲卜願言仍歲稔四
海盡蒙福

六月

當晝耘水田農夫亦良苦赤日背欲裂白汗灑如

雨匍匐行水中泥淖及腰脊新苗抽利劔割膚何
痛楚夫耘婦當饁奔走及亭午無時暫休息不得
避炎暑誰憐萬民食粒粒非易取願陳知稼穡無
逸傳自古

七月

大火旣西流涼風日淒厲古人重稼穡力田在匪
懈郊行省農事禾黍何旆旆碾以他山石玉粒使
人愛大祀須粢盛一一稽古制是爲五穀長異彼
稊與稗炊之香且美可用享上帝豈惟足食人一

飽有所待
八月
白露下百草莖葉日紛委是時禾黍登充積徧都
鄙在郊既千庾入邑復萬軌人言田家樂此樂誰
可比租賦以輸官所餘足儲峙不然風雪至凍餒
及妻子優游茅簷下庶可以足歲太平元有象治
世乃如此

九月

大家饒米麪何啻百室盈縱復人力多春磨常不

停激水轉大輪磴碾亦易成古人有機智用之可
厚生朝出連百草莫入還浦庭勾稽數多少必假
布筭精小人好爭利晝夜心營營君子貴知足知
足萬慮輕

十月

孟冬農事畢穀粟既已藏彌望四野空藁秸亦在
場

朝庭政方理庶事和陰陽所以頻歲登不憂旱與
蝗置酒燕鄉里尊老列上行肴羞不厭多無恙復

烹羊縱飲窮日夕爲樂殊未央禱天祝
聖人萬年長壽昌

十一月

農家值豐年樂事日熙熙黑黍可釀酒在牢羊豕
肥東隣有一女西隣有一兒兒年十五六女大亦
可笄財禮不求備多少取隨宜冬前與冬後昏嫁
利此時但願子孫多門戶可扶持女當力蠶桑男
當力耘耔

十二月

一日不力作一日食不足慘淡歲云莫風雪入破
屋老農氣力衰偃僂腰背曲索絢民事急晝夜互
相續飯牛欲牛肥芟藁亦預蓄寒驢雖劣弱挽車
致百斛農家極勞苦歲豈恒稔熟能知稼穡艱天
下自蒙福

織 正月

正月新獻歲最先理農器女工並時興蠶室臨期
治初陽力未勝早春尚寒氣窻戶當奧密勿使風
雨至田疇耕耨動敢不修耒耜經冬牛力弱相戒

勤飯飼萬事非預備倉卒恐不易田家亦良苦捨
此復何計

五月二月

仲春凍初解陽氣方滂盈旭日照原野萬物皆欣
榮是時可種桑插地易抽萌列樹徧阡陌東西各
縱橫豈惟籬落間採葉憚遠行大哉

皇元化四海無交兵種桑日已廣彌望綠雲平匪
惟錦綺謀祇以厚民生

三月

三月蠶始生纖細如牛毛婉戀閨中女素手握金
刀切葉以飼之擁紙散周遭庭樹鳴黃鳥發聲和
且嬌蠶饑當採桑何暇事遊遨出時人力少丈夫
方種苗相將挽長條盈筐不終朝數口望無寒敢
辭終歲勞

四月

四月夏氣清蠶大已屬眠高首何昂昂蛾眉復媚
娟不憂桑葉少徧野如綠烟相呼携筐去迢遞立
遠阡梯空伐條枚葉上露未乾蠶饑當早歸秉心

靜以專飭躬修婦事僷勉當盛年救忙多女伴笑
語方喧然菜心餅棧吹絲映林抄餅等去民數立
四月五月未盡大日風聲高首何長長地骨對
五月夏以半谷鶯先弄晨老蠶成雪蘭吐絲亂紛
紘伐葦作簿曲束縛齊榛榛黃者黃如金白者白
如銀爛然滿筐筥愛此顏色新欣欣舉家喜稍慰
經時勤有客過相問笑聲聞四隣論功何所歸再
拜謝蠶神

六月

釜下燒桑柴取繭投釜中纖纖女兒手抽絲疾如
風田家五六月綠樹陰相蒙但聞繰車響遠接村
西東旬日可經絹弗憂杼軸空婦人能蠶桑家道
當不窮更望時雨足二麥亦稍豐沽酒及時飲醉
倒姑與翁

七月

七月暑尚熾長日弄機杼頭髻不暇梳揮手汗如
雨嚶嚶時鳥鳴灼灼紅榴吐何心娛耳目往來忘
偃僂織爲機中素老幼要紉補青燈照夜梭蟋蟀

窗外語辛勤亦何有身體衣幾縷嫁爲田家婦終
歲服勞苦

八月

池水何洋洋漚麻水中央數日麻可取引過兩手
長織絹能幾時織布已復忙依依小兒女歲晚歎
無裳布襦不掩脛念之熱中腸朝緝浦一籃暮緝
浦一筐行看機中布計日漸可量我衣苟已成不
憂天早霜

九月

季秋霜露降凜凜寒氣生是月當授衣有布織未
成天寒催刀尺機杼可無營教女學紡繡舉足疾
且輕舍南與舍北嘒嘒聞車聲通都富豪家華屋
貯娉婷被服雜羅綺五色相間明聽說貧家女惻
然當動情

十月

豐年禾黍登農心稍逸樂小兒漸長大終歲荷鋤
鑿目不識一字每念心作惡東鄰方迎師收拾令
入學後月日南至相賀因舊俗爲女裁新衣修短

巧量度龜手事塞向底禦北風虐人生真可歎至
老長力作一字長命公非漢東轅大豈啻郭令
豐平十一月
冬至陽來復草木潛滋萌君子重其然吾道自此
亨父母坐堂上子孫列前榮再拜稱上壽所願百
福并人生屬明時四海方太平民無札瘥者厚澤
敷羣情衣食苟給足禮義自此生願言興學校庶
幾教化成

季郊十二月

忽忽歲將盡人事可稍休寒風吹桑林日夕聲颼
颼墻南地不凍墾掘爲坑溝斫桑埋其中明年芽
早抽是月浴蠶種自古相傳流蠶出易脫殼絲纒
亦倍收及時不努力知有來歲否手凍不足惜冀
免號寒憂

次韻周公謹見贈

池魚思故淵檻獸念舊藪官曹困窘來卯入常盡
酉簡書督期會何用傳不朽十年從世故塵土滿
衣袖歸來忽相見忘此離別久緬懷德翁隱坐美

沮溺偶新詩使我和贖里忘已醜平生知我者頗
亦似公否山林期晚歲鷄黍共尊酒却笑桓公言
淒然漢南柳

清勝池上偶成

竹色雨餘碧蟬聲風際清方池含綠水中有織鱗
行浮沉各異態亦足悅吾情欣賞方自茲庶復得
此生

哀鮮于伯幾

生別有再逢歿別終古隔君歿已五年追痛猶一

日我生大江南君長淮水北憶昨聞令名官舍始
相識我方二十餘君髮黑如漆契合無間言一見
同宿昔春遊每拏舟夜坐常促席氣豪聲若鍾意
憤髯屢戟談諧雜叫嘯議論造精覈巍煌商鼎制
騏駿漢馬式奇文既同賞疑義或共析錦囊裝玉
軸妙絕晉唐跡粲然極炫曜觀者咸辟易非君有
精鑿疇能萃奇物最後得玉鈎瑠琢螭盤屈握手
傳玩餘歡喜見顏色刻意學古書池水欲盡黑書
記往來間彼此各有得我時學鍾法寫君先墓石

江南君所樂地氣苦下濕安知從事衫竟卒奉常
職至今屏障間不忍觀遺墨淒涼方井路松竹蔭
真宅乾坤清氣少人物世罕覩緋袍儼畫像對之
淚沾臆宇宙一何悠悲酸豈終極

酬潘提舉

卧病六十日憤憤無一欣時取古書讀那復能知
新客從遼東來一見意自親高談極虛無微言合
道真遠宦萬里外飄然絕埃塵歸來如老鶴笑視
世間人胡爲肯顧我扁舟雪溪濱白髮我已老青

雲子當伸京師人物圍子往無逡巡而我慵慵久
棲遲甘隱淪

新秋

夜久不能寐坐來秋意濃露涼催蟋蟀月白澹芙蓉
漸覺練衣薄欲將紈扇慵

齋具慶壽僧舍卽事

白雨暎青松蕭颯洒朱閣稍覺暑氣銷微涼度疎
箔客居秋寺古心跡俱寂寞夕蟲鳴階砌孤螢炯
叢薄展轉懷故鄉時聞風鳴鐸

送李仲淵同知眉州

西風吹客衣，秋日鳴遠樹。蕭蕭班馬鳴，念子明當去。人生貴適意，要津何必據。佐州亦不惡，足展經濟具。峨眉山川秀，文俗盛如故。喜子過我樂，增我羈旅慮。匆匆萬里別，益歎相見暮。此心如天河，隨子西南注。

幽獨二首

閑居無與娛，幽獨欣有得。松翁善嘯歌，花女美顏色。人生亦何爲，耳目皆幻適。我今未半百，鬢髮早已白。牙齒復動搖，行當爲去客。且盡須臾歡，忘言坐苔石。

獨坐不自聊，披草尋微逕。夕陽在高林，籬落有餘暎。依依增遠想，歷歷生晚聽。涼蟬軋鳴箏，候蟲擊清磬。大小皆有從，雄雌各相應。沉吟復躊躇，忽覺西山暝。

允懷齋

小齋深且明，中有萬卷書。齋中古君子，寸田自耘鋤。人生萬善具，政當復其初。操存貴勿忘，道積乃

餘人時復南窻下靜看雲卷舒
雲林山中
松風太古聲欲寫不可狀仰觀空翠滴俯聽潮音
壯豈惟塵慮滌亦覺神情王平生獨注意老矣天
所放翳翳林竹間山鳥時一唱俗氛雖云遠勿起
清淨障

周南翁悠然閣

青山與高人一見如有約悠然相莫逆無語心自
樂凌虛步丹梯攬秀有高閣應同九臯鶴翱翔在

寥廓

夏至

夏至午之半一陰已復生堅冰亦馴至顧豈一朝
成萬物方茂悅安知有彫零君子感其微慟哭幾
失聲

病中春寒

仲春尚寒氣林花無艷滋弊裘擁衰疾風雨何淒
其始雷發東隅霽曛陽光披微風草際動落英池
面移幽禽變圓吭遊魚揚細鬣我病自此愈泛舟

溪水湄小輿指南蓋短筇問東毗機心不復有高
蹈農與義

興中府某氏見山樓

東北有高樓迢遞數十尺朝霞映窗牖浮雲來几
席莽蒼一望間萃嶽千峯碧青山何處無所見多
迫迤偉哉醫無間周禮載簡冊我雖身未到心想
已何索但惜道里賒處地遠且僻嘉彼樓居子不
受世故後愛山如愛客相對樂晨夕應笑平地人
塵埃坐克斥

題黃華爲其父寫真

僊人紫霞衣獨坐古松間玉色映流水不動如丘
山平生黃華老得意每相關九原如可作與君相
對閑

題先賢張公十詠圖

吳興瀟洒郡自古富人物溪山映亭榭尊俎照華
髮當時盍簪地蓊莽久蕪沒空餘詩語工不共芳
草歇撫卷想勝風冠佩其敢忽先民不可見惆悵
至明發

寄題杜尊師白雲菴瓊秀亭

白雲從何來乃在計籌山山中古仙伯翱翔白雲
間城市多囂塵山林幽且閑結屋松竹裏開窻泉
石邊清齋誦道德焚香降神仙俯仰皆自得洗心
游泰玄稅駕往從之視買山下田莚藥掃白髮栽
桃映紅顏庶幾林下意期了區中緣丹成從師去
笑怕拱崖肩

瓊山發天秀珠泉表地靈柔荑吐丹葩喬林標絳
英酌醴吸冲和汲澗漱甘清石門開洞府木龍走
岩扃清飈一時至四座浮幽馨闔風何必遠世塵
空自冥從遊當有期淹留詎無成左手擷紫芝右
手采黃菁振衣涉崇岡遐觀散神情長嘯烟霧裏
滿空鸞鶴聲

松雪齋詩集

元趙孟頫

子昂甫著

明潘是仁

訥叔甫輯校

七言古詩

兵部聽事前枯柏

庭前枯柏生意盡
枝葉乾焦根本病
黃風白日吹沙塵
鼓動哀音亂人聽
嗟哉尔有歲寒姿
受命於地獨也正
雨露雖濡心自苦
鳳鳥不來誰與盛
豈無松檟在山阿
只有蓬蒿沒人脛
我生媿乏梁棟

才浪逐時賢繆從政清晨騎馬到官舍長日苦饑
食還併簿書幸簡不得休坐對枯槎引孤興人生
何爲貴適意樹木託根彷彿失性幾時歸去卧雲林
萬壑松風韻笙磬

題西溪圖贈鮮于伯幾

山林忽然在我眼攬袂欲遊嗟已遠長松謾謾含
蒼煙平川茫茫際曾蠟大梁鏃華天下稀走馬聞
鷄夜忘歸君獨胡爲甘寂寞坐對山水娛清暉西
溪先生竒崛士正可着之岩石裏數間茅屋破不

修中有神光發竒字綠蘋齊葉白芒生送君江南
空復情相思萬里不可見時對此圖雙眼明

題二喬圖

長江東來水滔滔誰謂江廣不容舸中有喬家女
兒淚何意師昏隨二豪龍虎方爭欲相啗鸞鳳鏃
翻將安逃不見當時老諸葛獨聘醜婦何其高

戲題出洗馬

齧鄰更駕誰能御駑蹇紛紛何足顧青絲絡首錦
障泥鞭箠空勞怨長路明窻戲寫乘黃姿洗刷歸

來氣如怒不須對此苦歎嗟男兒自昔多徒步

送孟仲則遊荆湖兼往襄漢

行路方難子何往瀟湘洞庭天一方長江風來浪
如雪荆門木落天雨霜千金養客不復見萬里訪
舊庸何傷子才有用未得試牛刀愛惜藏鋒鏑似
聞遠遊未渠央更欲攬轡趨襄陽昔年戰鬪且休
息白骨已瘞愁雲黃伏龍鳳雛在何處鹿門山色
還蒼蒼登高吊古一長嘯萬事慘淡悲中腸人生
聚散安可常爲君起舞君舉觴明朝帆影拂浮玉

寄言客居思故鄉

烈婦行

客車何焯焯夫挽婦爲推問君將安去言往棗陽
戍官事有程宿車下夜半可憐逢猛虎夫命懸虎
口婦怒髮指天十步之內血相濺夫難再得虎可
前寧與夫歿毋與虎生呼兒取刃力與爭虎歿夫
活心始平男兒節義有如許萬歲千秋可以事明
主馮婦卞莊安足數嗚呼猛虎逢尚可甯成甯成
柰何汝

送高仁卿還湖州

昔年東吳望幽燕長路北走如登天捉來官
何補還望故鄉心惘然江南冬煖花亂發朔方苦
寒氣又偏木皮三寸冰六尺面額欲裂凍拆弦盧
溝強弩射不過騎馬徑度不用船宦遊遠客非所
習狐貉不具綈袍穿京師宜富不宜薄青衫駿馬
爭騰騫南隣吹笙厭梁肉北里鼓瑟羅姝妍淒涼
朝士有何意瘦童羸騎鷄鳴前太倉粟陳未易糴
中都俸薄難裹纏爾來方士頗向用讀書不若燒

丹鉛故人聞之應見笑如此不歸殊可憐長林豐
草我所愛羈勒未脫無由緣高侯遠來肯顧我裏
茗抱被來同眠青燈耿耿照土屋白酒薄薄無葷
羶破愁爲笑出軟語寄書妻孥無一錢江湖浩渺
足春水鳧鴈滅沒橫秋烟何當乞身歸故里圖書
堆裏消殘年

謝鮮于伯幾惠震除琴云是許旌陽手植桐
所斲

仙人已歸白雲中空餘手植青枝桐根柯盤鬱如

蛟龍一朝霹靂驅雷公烈火半熱隨狂風箕子之
裔多髯翁才氣邁俗驚愚蒙抱持來歸尋國工斲
爲二琴合商宮我來自此欣相逢持一贈我爲我
容自吾得此不敢寐中夜起坐彈孤鴻下絃清冷
上黃鍾轉絃更張涕滿胸黃虞已遠將無同恨君
不識牙與鍾恨我不識瞽與矇周南大雅當誰從

漁父詞二首

渺渺烟波一葉舟西風木落五湖秋盟鷗鷺傲王
侯管甚鱸魚不吐鉤天賦此不體

儂住東吳震澤州烟波日日釣魚舟山似翠酒如
油醉眼看山百自由

送朱仲陽太平教授

列仙之儒山澤臞手中黃紙新除書教官雖冷實
清選當塗山川如畫圖我生無能百不如盍不從
君賦歸與請君爲我酌太白矯首南望心煩紆

題李公畧所藏高彥敬夜山圖

高侯胸中有秋月能照山川盡毫髮戲拈小筆寫
微茫只尺分明見吳越樓中美人列仙臞愛之自

言天下無西山暗雨政愁絕燈前還展夜山圖
高升題也先帖木兒開府宅壁畫山水歌小字
大山翠嶺摩青天小山平遠通雲烟商侯胸中有
丘壑信手落筆分清妍閱風玄圃元不遠粲爛金
碧流潺湲參差澗谷樓觀起縈紆石路朱橋連松
風颭颭響虛閣棋聲剝啄來羣仙漁歌樵唱渺何
許綸巾羽扇清溪邊陶情自有泉石趣涼意不受
塵埃纏世間書畫亦益少誰能真賞如公賢華堂
風日不到處絕勝粉幙空高懸舉觴酌酒爲公壽

眼明對此三千年

孤燕曲

燕燕復燕燕孤飛不忍見故雄已作長別離嬌雌
守節令人羨昔日雙雙拂烟草十年獨宿梁間藻
歎息人間貞婦少人獨何心不如鳥

題商德符學士桃源春曉圖

宿雲初散青山濕落紅繽紛溪水急桃花源裏得
春多洞口春烟搖綠蘿綠蘿搖烟掛絕壁飛流直
下三千尺瑤草離離滿澗阿長松落落凌空碧鷄

鳴犬吠自成村居人至老不相識瀛洲仙客知仙
路點染丹青寄輕素何處有山如此圖移家欲向
山中住
孔道輔擊蛇笏
以笏擊蛇有孔公義與段公擊賊同事之鉅細雖
有異正氣憤激生于中偉哉孔公聖人裔豈聽妖
邪亂民志卽今槐木一尺強氣象凜凜含風霜子
孫守之慎寶藏絕勝象牙堆滿牀

趙克敬耘菴

趙子居室名耘庵不以雨暘爲旱潦寸田尺宅勤
自治穉莠芟夷嘉穀好平生萬事無助長歲晚所
收皆至寶我託官聯幾一載懷抱於人每傾倒交
情雅有古淡風此意難爲輕薄道况我同姓古所
敦百世可知宜細攷三十年來如一夢白髮相看
今盡老我方告歸理墓田莫恠賦詩殊草草

燕脂驄圖歌

騏驎腰腹世常有伯樂不生淹棧豆歛見此圖神
自王權竒磊落龍爲友隅目晶熒生紫光錦毛錯

落蒙青霜霜蹄感踏寒玉響霧鬣振動秋風涼朝
浴扶桑騰浩蕩莫秣崑崙超象冈雄姿似隘六合
小盛氣欲繭浮雲上嗅塵一歎驚肉飛奮迅不受
人間機豈惟萬馬羞欲死直與八駿爭先馳只今
相者多舉肥歎息此圖誰復知君不見王處冲半
生隱德真成癡

贈捏古伯

有僧有僧住江心以色殺人凶且淫貪官各吏私
其金滅跡鉅海無由尋安知冤冤痛不釋羣然號

訴衆所覲盡誅凶儔冤始白誰其白之捏古伯

送高郎仲德往汝州迎母

高郎八歲失其母每一言之淚如雨忽然有信自
北來知道慈親在臨汝艱難一別四十年驚喜失
聲渾欲舞水行有舟陸有車襍被卽行身欲羽遙
想團欒再拜時膝下抱持喧笑語人生天地誰無
母此別真如隔今古焉知孝感動神明萬里言歸
復相聚吳興山水清且遠指日安輿還樂土我當
理舟楫迎汝買紅纏酒剗肥豸斑衣喜色映庭萱

白髮從教老農圃

次韻葉公左丞紀夢

倦遊客子何時去，屢欲言歸天未許。故鄉樂事時上心，破浪長魚日登俎。一簞一笠得自由，某水某丘猶可數。前年有詔舉逸民，一旦馳驛登天府。豈知佐理自有才，勉強盡瘁終無補。青春憔悴過花鳥，白日勾稽困文簿。栖栖顏汗逐英俊，往往笑談來訕侮。倦僕思歸語見侵，瘦馬長饑骨相拄。天生我公出瑞世，輔相明時期復古。好將圖畫上凌烟，

未遂衣冠掛神武。髭鬚半白稱貂蟬，步履漸輕宜印組。道長自覺小人消，亂沮政須君子怒。得閑有兆天，與祥吉夢初回。月當戶，因公此意乞歸田。不辭歌詩爲公舞。

楊天瑞府判平冤詩

至元年間歲辛卯，建寧總管有馬謀。間因盜起建陽縣，欲引鎮軍肆誅屠。聞民張氏有女子，小名月娘美且姝。思得此女恣淫泆，乃誣張氏與賊俱。月娘逃匿不可得，旁及隣女遭姦汙。旣得月娘欲滅

口父母親戚皆囚俘一家九人一時斃痛入骨髓
天難呼其餘五人亦瀕歿身被榜掠無完膚人家
不幸生尤物破家滅族真無辜楊侯天瑞爲府判
洙疑此事皆虛誕奮髯仗義以死爭力謂馬謀當
併按月娘得脫爲良人待盡殘囚出獄狂沉冤極
枉一旦伸臺省交章同論薦

聖神天子甚明察詔下天門發英斷馬謀竟以罪
伏誅行路聞之亦咨歎邑人爲侯生立祠牲酒續
紛勤薦裸楊侯平反世希有宜有陞遷示旌勸政

事固因才德美歲月難將資品筭卽今已過二十
年那拋朱紱換青衫皐夔在位方進賢請爲誦我
平冤篇

賦張秋泉真人所藏研山

泰山亦一拳石多勢雄齊魯青巍峩此石却是小
岱岳峯巒無數生陂陀千岩萬壑來几上中有絕
澗橫天河粵從混沌元氣判自然凝結非鑄磨人
間竒物不易得一見大叫爭摩挲米公平生好竒
者大書深刻無差訛傍有小研天所造仰受筆墨

如圓荷我欲爲君書道德但願此石不用鵝巧偷
豪奪古來有問君此意當如何

題舜舉摹伯詩二馬圖

二龍何時飛上天空有駿影人間傳一匹鳳頭來
于闐一匹賜名花蒲川李侯作畫述者錢想見溫
公當國年太平時節巡遊少立仗歸來飽春草老
向天閑無戰功馬自不逢人皞皞

兔

少年馳逐燕齊郊身騎駿馬如騰蛟耳後生風鼻

出火大呼討來飛鳴髀如今老大百憂集拄杖徐
行防喘急卷中見畫眼爲明驥聞秋風雙耳立

贈相師王蒙泉

王君善相多竒中說好誇竒無刺風已將幻化等
虛空問壽幾何持底用遭時乏才偶致位處非其
宜常自訟詞林每媿文字拙玉帶却憐腰體重身
歸閭里困衰疾心戀

關庭形夜夢端如老驥欲倒駿骨雖存難受鞅
清溪如玉遶屋廬箇箇漁舟時看弄且將閑散樂

餘生豈望殘年給殘俸

關天須效憂能賦美善為始為始知吾報亦無受輝

編問

宜帝自給內林不與文半師王帝法

武空所貴與向昔飛思與律之下謝受命氣非其

王哲善成於多... 音無原思已... 餘

意然中... 為明觀開外... 風變耳立

出火大... 情亦... 氣... 今... 未... 大... 百... 憂... 其... 卦... 卦... 命



